

**Inuit innarluutillit tapersorsorneqarnissaannut  
Inatsisartut inatsisaata allanngortinneqarnissaanut  
Inatsisartut inatsisaat  
(Inuit innarluutillit eqqartuussinikkut  
eqqartuussiviulluunniit aalajangeereerneratigut  
inissinneqarsimasut akiliunneqarlutik tikeraarlutik  
angalasinnaatitaannginnerat)**

**§ 1**

Inuit innarluutillit tapersorsorneqarnissaannut Inatsisartut inatsisaanni nr. 13, 12. juni 2019-meersumi makkuninnga allannguuteqassaaq:

**1. § 54, imm. 1, imannak oqaasertaqalissaaq:**

” Inuk innarluutilik 18-it sinnerlugit ukiulik nunagisaminut ukiumut ataasiarluni akiliunneqarluni tikeraarluni angalasinnaatitaavoq, piumasaqaatit makkua naammassineqarsimappata, taamaattoq takuuk imm. 3, 4 aamma 6:

- 1) inuk § 13 malillugu najugaqaqatigiiffimmiippat, § 14 malillugu najugaqarfimmi illersugaasumiippat, imaluunniit § 18 malillugu ulloq unnuarlu neqeroorummiippat, aamma
- 2) najugaqarfissatut neqeroorut inuup nunagisaata avataani inissisimappat.”

**2. § 54-imi imm. 5 immikkoortutut nutaatut ilanngunneqassaaq:**

” Imm. 6. Imm. 1-4 malillugit tikeraarluni angalasinnaatitaanerit, eqqartuussut eqqartuussiviulluunniit tamanna pillugu aalajangernerata kingorna, inunnut innarluutilinnut ulloq unnuarlu neqeroorummi inissinneqarsimasunut atortinneqarsinnaanngillat.”

**3. § 55-imi imm. 5-ip kingorna immikkoortoq nutaaq ilanngunneqassaaq:**

” Imm. 6. Imm. 1-4 malillugit tikeraarluni angalasinnaatitaanerit, eqqartuussut eqqartuussiviulluunniit tamanna pillugu aalajangernerata kingorna meeqqanut innarluutilinnut ulloq unnuarlu neqeroorummi inissinneqarsimasunut atortinneqarsinnaanngillat.”

## § 2

Inatsisartut inatsisaat ulloq 1. januaari 2022 atuutilissaaq.

*Namminersorlutik Oqartussat, ulloq 19. november 2021*

Múte Bourup Egede  
Naalakkersuisut Siulittaasuat

**Namminersorlutik Oqartussat**

Imaneq 4

3900 Nuuk

E-mail: [nsninatsit@nanoq.gl](mailto:nsninatsit@nanoq.gl)

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut